

Broj: 01-01.3-4779-39/15 LH  
Datum: 11.02.2016. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), te člana 15. Pravilnika o javnim nabavkama i preporuke Komisije za javne nabavke konstatirane u Zapisniku o pregledu i ocjeni ponuda broj 01-01.3-4779-38/15 LH od 05.02.2016. godine v.d. direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

**ODLUKU**  
**o izboru najpovoljnijeg ponuđača**  
**u pregovaračkom postupku s objavom obavještenja o nabavci**

I

U pregovaračkom postupku s objavom obavještenja o nabavci za nabavku usluga „Osiguranje djelimično izgrađenog dijela dionice na Koridoru Vc, dionica Svilaj-Odžak“ ugovor u ukupnoj vrijednosti od 55.000,00 KM dodijeljuje se ponuđaču „Triglav osiguranje“ d.d. Sarajevo koji je dostavio prihvatljivu ponudu sa najnižom cijenom.

II

Ponuda ponuđača „Bosna sunce osiguranje“ d.d. Sarajevo se odbija kao neprihvatljiva u skladu sa članom 68. stavovi (1) i (4) i Zakona o javnim nabavkama.

III

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba) i to istovremeno s upućivanjem Odluke ponuđačima koji su učestvovali u postupku nabavke.

**O b r a z l o ž e n j e**

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 25. Zakona o javnim nabavkama, pokrenulo otvoreni postupak za nabavku usluga: „Osiguranje djelimično izgrađenog dijela dionice na Koridoru Vc, dionica Svilaj-Odžak“. Na Portalu javnih nabavki objavljeno je Obavještenje o nabavci broj 266-1-2-701-3-135/15 dana 25.09.2015. godine te Ispravka za obavještenje o nabavci broj 266-1-2-701-8-172/15 objavljena dana 17.12.2015. godine. Kriterij za dodjelu ugovora je „najniža cijena“.

Budući da su u predmetnom postupku zaprimljene četiri neprihvatljive ponude, Ugovorni organ je postupak nastavio putem pregovaračkog postupka s objavom obavještenja na osnovu člana 20. stav (1) tačka a) Zakona u kojem stoji: *“ako u otvorenom ili ograničenom postupku ili u postupku takmičarskog dijaloga dobije sve ponude koje ne ispunjavaju uslove kvalifikacije, a osnovni uslov za dodjelu ugovora nisu bitno promijenili, ugovorni organ nije obavezan ponovo objaviti obavještenje o nabavci, pod uslovom da pozove sve ponuđače, odnosno kandidate da otklone nedostatke u svojim ponudama, te svoje ponude učine prihvatljivim”*.



LD

Na osnovu Obavještenja o nabavci i tenderske dokumentacije izvršeno je javno otvaranje ponuda dana 29.01.2016. godine u 14:30 sati u prostorijama Javnog preduzeća „Autoceste Federacije Bosne i Hercegovine“ d.o.o. Mostar, Operativni ured Sarajevo, Dubrovačka 6; Sarajevo, što je konstatirano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatirala da su svoje ponude predala 3 (tri) ponuđača.

Komisija je prema članu 65. Zakona pristupila pregledu i ocjeni ponude, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno preporuci Komisije za javne nabavke u Zapisniku broj: 01-01.3-4779-38/15 LH od 05.02.2016. godine ponuda ponuđača „Bosna sunce osiguranje“ d.d. Sarajevo se odbija kao neprihvatljiva u skladu sa članom 68. stavovi (1) i (4) i Zakona o javnim nabavkama, te se ugovor u ukupnoj vrijednosti od 55.000,00 KM dodjeljuje ponuđaču: „Triglav osiguranje“ d.d. Sarajevo koji je dostavio prihvatljivu ponudu sa najnižom cijenom.

Shodno naprijed navedenom, Ugovorni organ je prihvatio prijedlog Komisije i donio Odluku kao u dispozitivu.

### Pouka o pravnom lijeku:

Protiv ove Odluke može se uputiti žalba u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**v.d. izvršni direktor za  
opće kadrovske i pravne poslove**

*Adisa Hadžić*

.....  
**Adisa Hadžić, dipl.pravnik**

**v.d. direktor:**  
*dr. Jasmin Bučo*  
.....  
**dr. Jasmin Bučo**



Dostaviti:

- ponuđačima
- a/a

*AD*

Broj: 01-01.3-4779-38/15 LH  
Datum: 05.02.2016. godine

Sastanci održani 29.01., 03.02. i 05.02.2016. godine u prostorijama JP "Autoceste FBiH" d.o.o. Mostar.

Sastancima prisustvuju sva tri člana komisije imenovane rješenjem broj 01-01.3-4779-16/15 LH od 05.01.2016. godine.

U skladu sa članom 65. Zakona o javnim nabavkama („Službeni glasnik BiH“ broj 39/14), članom 18. Uputstva za pripremu modela tenderske dokumentacije i ponuda („Službeni glasnik BiH“ broj 90/14) i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

### ZAPISNIK O PREGLEDU I OCJENI PONUDA u pregovaračkom postupku s objavom obavještenja o nabavci

- a) **Naziv i sjedište ugovornog organa:** JP "Autoceste FBiH" d.o.o. Mostar;
- b) **Predmet nabavke:** Nabavka usluga: „Osiguranje djelimično izgrađenog dijela dionice na Koridoru Vc, dionica Svilaj-Odžak“;
- c) **Evidencijski broj nabavke:** 01-01.3-4779-23/15 LH;
- d) **Vrsta postupka javne nabavke:** Pregovarački postupak sa objavom obavještenja o nabavci;
- e) **Broj obavještenja o nabavci sa Portala javnih nabavki:** Obavještenje o nabavci broj 266-1-2-701-3-135/15 objavljeno dana 25.09.2015. godine te Ispravka za obavještenje o nabavci broj 266-1-2-701-8-172/15 objavljena dana 17.12.2015. godine;
- f) **Posebni slučajevi i okolnosti iz čl. 20. i 27. Zakona koji opravdava korištenje ovog postupka:** Postupak nabavke usluga „Osiguranje djelimično izgrađenog dijela dionice na Koridoru Vc, dionica Svilaj-Odžak“, putem otvorenog postupka u skladu sa članom 25. Zakona o javnim nabavkama, u kojem su zaprimljene četiri neprihvatljive ponude, nastavljen je putem Pregovaračkog postupka s objavom obavještenja na osnovu člana 20. stav (1) tačka a) Zakona u kojem stoji: *„ako u otvorenom ili ograničenom postupku ili u postupku takmičarskog dijaloga dobije sve ponude koje ne ispunjavaju uslove kvalifikacije, a osnovni uslov za dodjelu ugovora nisu bitno promijenili, ugovorni organ nije obavezan ponovo objaviti obavještenje o nabavci, pod uslovom da pozove sve ponuđače, odnosno kandidate da otklone nedostatke u svojim ponudama, te svoje ponude učine prihvatljivim“*;
- g) **Naziv i sjedište ponuđača koje je Ugovorni organ pozvao na pregovore:**
1. „Triglav osiguranje“ d.d. Sarajevo
  2. „Sarajevo osiguranje“ d.d. Sarajevo, podružnica Mostar
  3. „Bosna sunce osiguranje“ d.d. Sarajevo
  4. „Uniqa osiguranje“ d.d. Sarajevo

- h) Datum slanja poziva na pregovore: 19.01.2016. godine
- i) Datum obavljanja pregovora: Pregovori su obavljani 21.01.2016. godine sa svakim ponuđačem zasebno;
- j) Datum slanja poziva za dostavljanje konačnih ponuda: 26.01.2016. godine
- k) Naziv i sjedište svih ponuđača, prema redoslijedu zaprimanja konačnih ponuda:
1. „Bosna sunce osiguranje“ d.d. Sarajevo sa ponuđenom cijenom u iznosu od 89.200,00 KM;
  2. „Uniqa osiguranje“ d.d. Sarajevo sa ponuđenom cijenom u iznosu od 78.450,68 KM;
  3. „Triglav osiguranje“ d.d. Sarajevo sa ponuđenom cijenom u iznosu od 55.000,00 KM;
- l) Datum početka pregleda i ocjene konačnih ponuda: Komisija je počela da pregleda ponude 03.02.2016. godine;
- m) Podatke o pojašnjenju dokumenata u skladu sa članom 68. stav (3) Zakona ako ih je bilo: Nije traženo pojašnjenje dokumenata;
- n) Podaci o ispravkama, ukoliko su iste uočene u ponudi i koje su urađene na način da su vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke: Nije bilo ispravki;
- o) Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:

R. B.	ANALIZA, PREGLED I OCJENA PONUDA	NAZIV PONUĐAČA		
	„Osiguranje djelimično izgrađenog dijela dionice na Koridoru Vc, dionica Svilaj-Odžak“	„Bosna sunce osiguranje“ d.d.	„Uniqa osiguranje“ d.d.	„Triglav osiguranje“ d.d.
a.	<b>Kvalifikacioni uvjeti:</b>			
1.	<p><b>Lična sposobnost - kvalifikacija prema članu 45. ZJN:</b></p> <p><b>UVJET:</b></p> <p>U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p><b>DOKAZ:</b></p> <p>U svrhu ispunjavanja uslova iz prethodne tačke ponuđači trebaju dostaviti <b>Izjavu ovjerenu kod nadležnog organa (organ uprave ili notar)</b> da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 6 tenderske dokumentacije;</p>	-	+	+

2.	<p><b>Sposobnost obavljanja profesionalne djelatnosti:</b></p> <p><b>UVJET:</b> Što se tiče sposobnosti za obavljanje profesionalne djelatnosti ponuđači moraju biti registrovani za obavljanje djelatnosti koja je predmet javne nabavke.</p> <p><b>DOKAZ:</b> U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.</p>	+	+	+
3.	<p><b>Ekonomska i finansijska sposobnost:</b></p> <p><b>UVJET:</b> Što se tiče ekonomske i finansijske sposobnosti, u skladu sa članom 47. Zakona, ponuda će biti odbačena ako ponuđač ne ispunji slijedeće minimalne uslove, a koji se mogu potvrditi sa dokazima iz člana 47. Zakona, a to su:</p> <p>a) pozitivno finansijsko poslovanje u posljednje 3 (tri) godine poslovanja odnosno pozitivno finansijsko poslovanje u 2012., 2013. i 2014. godini</p> <p>b) da račun/računi koji/koje ponuđač ima otvoren/otvorene nije/nisu bio/bili blokirani u posljednjih 12 (dvanaest) mjeseci (računajući od datuma objave Obavještenja o nabavci) ili od datuma registracije, odnosno početka poslovanja u predmetnom segmentu, ako je ponuđač odnosno kandidat registriran, odnosno počeo sa radom prije manje od jedne godine</p> <p><b>DOKAZ:</b> Ocjena ekonomskog i finansijskog stanja ponuđača će se izvršiti na osnovu dostavljene izjave ovjerene od strane ponuđača, koja se dostavlja u formi utvrđenoj Aneksom 7 tenderske dokumentacije i dostavljene obične kopije slijedećih dokumenata:</p> <p>a) poslovni bilanci ili izvodi iz poslovnih bilanci za posljednje 3 (tri) finansijske godine (bilans uspjeha za 2012., 2013. i 2014. godina) ili od datuma registracije, odnosno početka poslovanja u predmetnom segmentu, ako je ponuđač odnosno kandidat registriran, odnosno počeo sa radom prije manje od tri godine, ako je objavljivanje poslovnog bilansa zakonska obaveza u zemlji u kojoj je kandidat/ponuđač registrovan; u slučaju kada ne postoji zakonska obaveza u zemlji u kojoj je kandidat/ponuđač registrovan, dužan je dostaviti izjavu ovjerenu od nadležnog organa</p> <p>b) – izvještaj o svim otvorenim računima ponuđača, koji izdaje Centralna banka BiH. Izvještaj ne smije biti stariji od datuma objave Obavještenja o nabavci odnosno ne stariji od 25.09.2015. godine</p> <p>– Za svaki od računa navedenih u potvrdi Centralne banke BiH, ponuđač je obavezan dostaviti potvrdu poslovne banke, kod koje je predmetni račun otvoren, kojom dokazuje da račun nije bio blokirani u posljednjih 12 (dvanaest) mjeseci (računajući od datuma objave Obavještenja o nabavci) ili od datuma registracije, odnosno početka poslovanja u predmetnom segmentu, ako je ponuđač odnosno kandidat registriran, odnosno počeo sa radom prije manje od jedne godine</p>	-	+	+
		-	+	+
		-	+	+



4.	<p><b>Tehnička i profesionalna sposobnost:</b></p> <p><b>UVJET:</b> Što se tiče tehničke i profesionalne sposobnosti, ponuđači trebaju ispuniti slijedeće minimalne uslove, a koji se mogu potvrditi sa dokazima iz člana 50. Zakona a to su:</p> <p>a) uspješno iskustvo u realizaciji najmanje jednog ugovora osiguranja imovine po C.A.R. Standard Munich Re osnovu-all risk polica minimalne pojedinačne vrijednosti ugovora od 100.000,00 KM u posljednje 3 (tri) godine</p> <p>b) zaključeno reosiguranje za predmetni ugovor</p> <p><b>DOKAZ:</b> Ocjena tehničke i profesionalne sposobnosti ponuđača će se izvršiti na osnovu jednog ili više dokaza:</p> <p>a) - spisak izvršenih ugovora za pružanje usluga osiguranja u posljednje 3 (tri) godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine</p> <p>- potvrda o realizaciji jednog ugovora na poslovima usluga osiguranja imovine minimalnoj vrijednosti ugovora od 100.000,00 KM, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede;</p> <p>b) potvrda izdata od strane domaće reosiguravajuće kuće o pokriću konkretnih rizika koji su predmet ovog postupaka nabavke. Ponuđač koji bude odabran za dodjelu ugovora će u roku od 15 (petnaest) dana od dana zaključenja ugovora, dostaviti Ugovornom organu dokaze da je osigurane rizike predao u reosiguranje odnosno da je reosiguranje realizovano.</p>			
b.	<b>Ispunjenost uvjeta u pogledu dostavljanja svih potrebnih dokumenata prema sadržaju ponude:</b>			
1.	Popunjen obrazac za konačnu ponudu koji je dat u aneksu 2.1 tenderske dokumentacije	+	+	+
2.	Popunjen obrazac za cijenu konačne ponude koji je dat u aneksu 3.1 tenderske dokumentacije	+	+	+
3.	Popunjen obrazac povjerljivih informacija koji je dat u aneksu 4 tenderske dokumentacije (ponuđači su dužni dostaviti ispunjen ovaj obraz ukoliko imaju povjerljivih informacija)	+	+	+
4.	Garancija za ozbiljnost ponude u skladu sa tačkom 8.8 tenderske dokumentacije	+	+	+
5.	Potpisan nacrt ugovora koji je dat u aneksu 5 tenderske dokumentacije	-	+	+
6.	Izjava o zajedničkoj ponudi te Izjava o solidarnoj odgovornosti članova grupe ponuđača u skladu sa tačkom 7.5 tenderske dokumentacije (ukoliko ponudu dostavlja grupa ponuđača)	n/p	n/p	n/p
7.	Izjava o ispunjavanju uslova iz člana 45. Zakona koja je data u aneksu 6 tenderske dokumentacije	-	+	+

8.	Izjava o ispunjavanju uslova iz člana 47. Zakona koja je data u aneksu 7 tenderske dokumentacije (ponuđač je obavezan dostaviti i obične kopije poslovnih bilansa ili izvoda iz poslovnih bilansa za posljednje tri finansijske godine – bilans uspjeha za 2012., 2013. i 2014. godinu ili od datuma registracije u skladu sa tačkom 7.3.2. tenderske dokumentacije)	-	+	+
9.	Izjava o ispunjavanju uslova iz člana 52. Zakona koja je data u aneksu 8 tenderske dokumentacije	-	+	+
10.	Opis usluga koji je dat u aneksu 11 tenderske dokumentacije parafiran od strane ponuđača	-	+	+
11.	Izjava o namjeri podugovaranja (ukoliko ponuđač ima namjeru podugovoriti dio ugovora) data u okviru aneksa 2 tenderske dokumentacije	+	+	+
12.	Dokumenti kojima se dokazuje ispunjavanje uslova za primjenu preferencijalnog tretmana domaćeg odnosno Izjava data u okviru aneksa 2 tenderske dokumentacije	+	+	+
13.	Popis dokumentacije koja je priložena uz ponudu	+	+	+
<b>c.</b>	<b>Prikaz prihvatljivosti ponuda prema obliku sadržaju i potpunosti</b>			
1.	Cjelovitost ponude	-	+	+
2.	Uvezana u cjelinu /knjiga, obezbjeđena jemstvenikom/	-	+	+
3.	Ponuda napisana neizbrisivom tintom	+	+	+
4.	Pravilno numerisana ponuda	+	+	+
5.	Ponuda napisana na jednom od službenih jezika u BiH	+	+	+
6.	Ispravke u ponudi	-	-	-
7.	Računske greške	-	-	-
8.	Izmjene/dopune ponude i odustajanje od ponude	-	-	-
9.	Ponuda potpisana od strane ovlaštene osobe	+	+	+
10.	Dostavljena kopija ponude	-	+	+
<b>PRIHVATLJIVOST PONUDE (DA/NE):</b>		<b>NE</b>	<b>DA</b>	<b>DA</b>

Objašnjenje oznaka: “+“ (da, dostavljeno/postoji/pravilno ispunjeno) “-“ (ne, nije dostavljeno/ne postoji/nepravilno ispunjeno)

**p) Naziv i sjedište ponuđača koji se isključuju zbog neispunjavanja uslova za kvalifikaciju i/ili formalno-pravnih nedostataka, te obrazloženje razloga njihovog isključenja za svakog ponuđača posebno:**

1. Ponuda ponuđača „Bosna sunce osiguranje“ d.d. Sarajevo ispunjava kvalifikacioni uslov iz člana 46. Zakona o javnim nabavkama, te djelimično ispunjava kvalifikacione uslove propisane članom 50. Zakona o javnim nabavkama. Međutim, ponuda ponuđača ne ispunjava kvalifikacione uslove propisane članovima 45, 47. i 52. Zakona o javnim nabavkama iz slijedećih razloga:
  - Ponuđač je u ponudi propustio da dostavi Izjavu o ispunjavanju uslova iz člana 45. Zakona koja je data u aneksu 6 tenderske dokumentacije
  - Ponuđač je u ponudi propustio da dostavi Izjavu o ispunjavanju uslova iz člana 47. Zakona koja je data u aneksu 7 tenderske dokumentacije, kao i obične kopije poslovnih bilansi ili izvoda iz poslovnih bilansi za posljednje tri finansijske godine – bilans uspjeha za 2012., 2013. i 2014. godinu ili od datuma registracije u skladu sa tačkom 7.3.2. tenderske dokumentacije, izvještaj o svim otvorenim računima ponuđača, koji izdaje Centralna banka BiH, te za svaki od računa navedenih u potvrdi Centralne banke BiH, ponuđač je propustio dostaviti potvrdu poslovne banke, kod koje je predmetni račun otvoren, kojom dokazuje da račun nije bio blokiran u posljednjih 12 (dvanaest) mjeseci (računajući od datuma objave Obavještenja o nabavci) ili od

datuma registracije, odnosno početka poslovanja u predmetnom segmentu, ako je ponuđač odnosno kandidat registriran, odnosno počeo sa radom prije manje od jedne godine

- Ponuđač je u ponudi propustio da dostavi spisak izvršenih ugovora za pružanje usluga osiguranja u posljednje 3 (tri) godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, te potvrdu izdatu od strane domaće reosiguravajuće kuće o pokriću konkretnih rizika koji su predmet ovog postupaka nabavke
- Ponuđač je u ponudi propustio da dostavi Izjavu o ispunjavanju uslova iz člana 52. Zakona koja je data u aneksu 8 tenderske dokumentacije

Ponuda sadrži i slijedeće formalno-pravne nedostatke:

- Ponuđač je propustio da dostavi potpisan nacrt ugovora koji je dat u aneksu 5 tenderske dokumentacije
- Ponuđač je propustio da dostavi Opis usluga koji je dat u aneksu 11 tenderske dokumentacije
- Ponuđač je propustio da dostavi kopiju ponude
- Dostavljena ponuda nije uvezana na način da čini cjelinu budući da određeni broj listova ispada iz ponude što je u suprotnosti sa tačkom 8.1.4 tenderske dokumentacije u kojoj je jasno navedeno da „Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata...“.

U skladu sa gore navedenim, Komisija daje prijedlog Ugovornom organu da ponude odbije kao neprihvatljivu u skladu sa članom 68. stavovi (1) i (4) i Zakona o javnim nabavkama.

- q) Prikaz traženih i dostavljenih garancija za ozbiljnost ponude:** Svi ponuđači su dostavili garancije za ozbiljnost ponude;
- r) Podatke o pojašnjenju ponuda:** Na osnovu člana 66. Zakona o javnim nabavkama (Službeni glasnik BiH broj 39/14) i člana 17. stav (7) Uputstva za pripremu modela tenderske dokumentacije (Službeni glasnik BiH broj 90/14), Ugovorni organ je, dopisom broj 01-01.3-4779-36/15 LH od 03.02.2016. godine, od ponuđača „Triglav osiguranje“ d.d. Sarajevo zatražio pojašnjenje neprirodno niske cijene dostavljene ponude. U ostavljenom roku, ponuđač je, dopisom broj 08-1871/16 od 04.02.2016. godine, dostavio pojašnjenje neprirodno niske cijene koje je prihvatljivo za ugovorni organ te je, u skladu sa istim, ponuda ocijenjena kao prihvatljiva sa najnižom ponuđenom cijenom;
- s) Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljene ponude uredno zapakovane;
- t) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** U skladu sa tačkom o i p ovog Zapisnika;
- u) Podatke o ispravkama računskih grešaka u ponudama ako ih je bilo:** U ponudama nije bilo računskih grešaka;
- v) Razloge za odbijanje ponude zbog neprirodno niske cijene:** Nije primjenjivo;
- w) Analizu prihvatljivih ponuda prema kriteriju za izbor ponude:** Kriterij za dodjelu ugovora je „najniža cijena“. Prihvatljive ponude su ponude ponuđača „Uniqa osiguranje“ d.d. Sarajevo sa ponuđenom cijenom u iznosu od 78.450,68 KM te „Triglav



osiguranje" d.d. Sarajevo sa ponuđenom cijenom u iznosu od 55.000,00 KM;

**x) Rangiranje prihvatljivih konačnih ponuda prema kriteriju za izbor ponude:**

NAZIV KOMPANIJE	CIJENA IZ OBRASCA PONUDE (KM)	KORIGIRANE VRIJEDNOSTI	
		MATEMATIČKE GREŠKE	POPUST
1. Triglav osiguranje" d.d. Sarajevo	55.000,00	-	-
2. „Uniqa osiguranje" d.d. Sarajevo	78.450,68	-	-

**y) Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Ponuđač „Triglav osiguranje" d.d. Sarajevo je dostavio prihvatljivu ponudu sa najnižom cijenom;

**z) Podatke o dijelu ugovora koji se daje u podugovor i podatke o podizvođaču:**  
Ponuđači nisu izrazili namjeru podugovaranja;

**aa) Podatke o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Ponuđač „Triglav osiguranje" d.d. Sarajevo je u okviru svoje konačne ponude dostavio kompletnu traženu dokumentaciju, te nije obavezan istu dostavljati u roku od 5 (pet) dana od dostavljanja Odluke o izboru;

**bb) Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje prijedlog v.d. direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da odbije ponudu ponuđača „Bosna sunce osiguranje" d.d. Sarajevo kao neprihvatljivu u skladu sa članom 68. stavovi (1) i (4) i Zakona o javnim nabavkama, te da donese Odluku o izboru kojom se ugovor za nabavku usluga: „Osiguranje djelimično izgrađenog dijela dionice na Koridoru Vc, dionica Svilaj-Odžak" u ukupnoj vrijednosti od 55.000,00 KM dodjeljuje ponuđaču „Triglav osiguranje" d.d. Sarajevo koji je podnio prihvatljivu ponudu sa najnižom cijenom;

**cc) Datum završetka postupka pregleda i ocjene ponuda:** Komisija je završila pregled i ocjenu ponuda dana 05.02.2016. godine;

**dd) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:**

Članovi komisije:

Lejla Hodžić, predsjednik komisije

Senada Lizde, član komisije

Ante Jurišić, član komisije

Za sekretara Komisije imenovana je Aida Zeba.

**ee) Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):**

-Zahtjev za dostavu dodatnih informacija broj 01-01.3-4779-36/15 LH od 03.02.2016. godine

-Pojašnjenje ponude broj 08-1871/16 od 04.02.2016. godine

Saglasan:

dr. Jasmin Bučo, v.d. direktor



Broj: 01-01.3-4779-36/15 LH  
Datum: 03.02.2016. godine

ZA: „Triglav osiguranje“ d.d. Sarajevo  
Dolina broj 8  
71000 Sarajevo  
Fax: 033/252-177

**PREDMET: Zahtjev za dostavu dodatnih informacija - pojašnjenje cijene dostavljene ponude u postupku za nabavku usluga „Osiguranje djelimično izgrađenog dijela dionice na Koridoru Vc, dionica Svilaj-Odžak“**


Poštovani,

Na osnovu člana 66. Zakona o javnim nabavkama (Službeni glasnik BiH broj 39/14) i člana 17. stav (7) Uputstva za pripremu modela tenderske dokumentacije (Službeni glasnik BiH broj 90/14), molimo vas da nam dostavite pojašnjenje cijene dostavljene ponude u postupku javne nabavke usluga „Osiguranje djelimično izgrađenog dijela dionice na Koridoru Vc, dionica Svilaj-Odžak“.

Naime, Komisija za nabavke je pregledom zaprimljenih ponuda, utvrdila da je cijena vaše ponude za više od 20% niža od cijene drugorangirane prihvatljive ponude.

Na osnovu gore navedenog, a kako bi ugovorni organ u potpunosti bio siguran da ponuđač može kvalitetno i uspješno izvršiti pružanje predmetnih usluga, molimo vas da nam dostavite detaljne informacije i obrazloženje o razlozima ponuđene cijene, najkasnije do 05.02.2016. godine do 15:00 sati, na adresu JP „Autoceste FBiH“ d.o.o. Mostar, Dubrovačka 6, Sarajevo, ili na fax broj 033/277-942, u protivnom vaša ponuda će biti odbijena kao neprihvatljiva.

dr. Jasmin Bučo  
direktor



Dostaviti:  
- naslovu  
- a/a




**TRIGLAV OSIGURANJE d.d.**  
**CENTRALA DRUŠTVA**  
DOLINA BR. 8, 71000 SARAJEVO  
TEL.: 033 252 111, FAX: 033 252 179  
WWW.TRIGLAV.BA  
BOSNA I HERCEGOVINA



**JP Autoceste FBiH d.o.o.**  
**Ul. Braće Fejića bb**  
**88000 MOSTAR**

Broj: 08-1871/16  
Sarajevo, 04.02.2016.god.



**PREDMET: POJAŠNENJE PONUDE broj : 08-1271/16 od 27.01.2016.**  
**Veza: Vaš dopis broj: 01-01.3-4779-36/15 LH od 03.02.2016.godine**

Poštovani,

JP Autoceste FBiH d.o.o. Mostar su objavile javni poziv za prikupljanje ponuda za pružanje usluga osiguranja djelimično izgrađenog dijela dionice na Koridoru Vc, dionica Svilaj-Odžak. Triglav Osiguranje d.d. Sarajevo je preuzelo tendersku dokumentaciju i dostavilo ponudu u skladu sa podacima koji su bili sastavni dio tenderske dokumentacije.

Dana 04.02.2016. godine Vašim dopisom broj 01-01.3-4779-36/15 LH od 03.02.2016. godine obavještavate nas da smo dužni dati obrazloženje na ponuđenu cijenu. Ovim putem Triglav osiguranje d.d. Sarajevo izjavljuje da je svoju ponudu broj 08-1271/16 od 27.01.2016. godine a koja se odnosila na osiguranje djelimično izgrađenog dijela dionice na Koridoru Vc, dionica Svilaj-Odžak dostavilo u skladu sa važećim premijskim sistemom, tarifama i uvjetima osiguranja, a koji su prijavljeni i kao takvi odobreni od strane Agencije za nadzor osiguranja FBiH. Kalkulacija premije je izvršena na bazi podataka i zahtjeva iz Opisa usluga ugovornog organa JP Autoceste FBiH d.o.o.. Premija osiguranja po svim traženim vrstama osiguranja obračunata je, u skladu sa Vašim zahtjevom, na „sumu osiguranja“ ili na „prvi rizik“, prema uslovima osiguranja ALLRISK polica – C.A.R. Standard oblik ugovora po Munich Re. Nadalje, obračunati su sve doplate vezane za otkupe franšize, također u skladu sa Vašim zahtjevom. Na kompletan obračun premije osiguranja Bosna reosiguranje d.d. Sarajevo kao domaći partner dao je saglasnost svojim Pismom namjere o preuzimanju viška rizika putem reosiguranja preko samoprdržaja Triglav osiguranja d.d. Sarajevo za osiguranika JP Autoceste FBiH d.o.o. Mostar, a koje je sastavni dio ponude Triglav osiguranja d.d. Sarajevo. JP Autoceste FBiH d.o.o. je naš osiguranik i po svim drugim vidovima osiguranja sa zaključenim Jednogodišnjim ugovorom i dodatno dvogodišnjim okvirnim sporazumom, a gdje smo u posmatranom periodu imali pozitivan tehnički rezultat (odnos premije i šteta) te na osnovu kojeg smo bili u mogućnosti za naredni period odobriti dodatne popuste.

Nadalje, Triglav osiguranje d.d. Sarajevo ima zaključen ugovor o reosiguranju za 2016. godinu sa domaćim partnerom Bosna Re, a u skladu sa kojim višak rizika, iznad vlastitog samoprdržaja, prenosi u Bosna Re, a preko Bosna Re-a rizik se retrocedira na prvoklasna svjetska društva za reosiguranje među



kojima su Munich Re iz Minhena, Hannover Re iz Hanovera, Swiss Re Germany Iz Minhena, SCOR Iz Kelna, Aspen re iz Zuricha, te niz drugih.

Također, prema zvaničnim podacima zaključno sa 31.12.2015. godine Triglav osiguranje d.d Sarajevo raspolaže sa ukupnim kapitalom u visini od 43.833.980,00 KM, a u istom je sadržana i neraspoređena dobit u iznosu od 9.253.332,00 KM. Društvo raspolaže sa kapitalom (garantnim fondom) koji je znatno veći od minimalnog potrebnog, odnosno zakonskog minimuma (isti je 6,7 puta veći od zakonskog minimuma). Tehničke rezerve iznose 45.305.590,00 KM, tako da ukupan kapital sa tehničkim rezervama iznosi 93.713.204,00 KM. Efikasnost isplate šteta (procentualni odnos između broja primljenih i broja riješenih odštetnih zahtjeva), kao osnovni postulat u osiguranju za 2015. godinu iznosi 93,26%.

Na osnovu svega navedenog Triglav osiguranje d.d Sarajevo potvrđuje i garantuje uspješnu realizaciju ugovora koji bi, u slučaju privatanja naše ponude i donošenja Vaše Odluke, trebao biti realizovan po dostavljenoj ponudi Triglav osiguranja d.d. Sarajevo broj 08-1271/16 od 27.01.2016. godine.

Za sva dodatna pitanja i eventualne nejasnoće po dostavljenom stojimo vam na raspolaganju.

S poštovanjem,

DIREKTOR PRODAJNOG CENTRA SARAJEVO

Željko Vatić dipl. inž. e.c.



*[Handwritten mark]*